

समै – 12:25 hrs.

<><><><><><>

EAM SCO Pahalgam

बदेश मंत्री डॉक्टर एस. जयशंकर होरें आखेआ ऐ जे पहलगाम आतंकी हमला, जम्मू-कश्मीर दी सैलसफा सरबन्धी अर्थबवस्था गी जोफ पुजाने ते धर्म दी बिनाह उप्पर तनोतनी पैदा करने लेई जानी-बूझियै कराया गेआ हा। कल सं'झां चीन दे तियानजिन च शंघाई सैहयोग संगठन परिषद गी संबोधित करदे होई डॉक्टर जयशंकर होरें आतंकवाद, अलगाववाद ते उग्रवाद गी बिंद बर्दाश्त नेई करने दी नीति अपनाने दा आह्वान कीता। संयुक्त राश्ट्र सुरक्षा परिषद आसेआ पहलगाम आतंकी हमले दी सख्त निंदेआ दा जिक्र करदे होई बदेश मंत्री होरें आखेआ जे भारत पहलगाम आतंकी हमले दे दोषियें गी न्याऽ दे दायरे हेठ आहनने दी कोशश बरोबर जारी रक्खोग। डाक्टर जयशंकर होरें शंघाई सैहयोग संगठन गी आखेआ जे ओह आतंकवाद, अलगाववाद ते अतवाद दे खलाफ ठोस गैहीं पुट्टै कीजे इंदे कन्नै इलाकाई रमानदारी, स्थिरता ते आर्थिक तरक्की लेई सिद्धे तौर पर खतरा पैदा होंदा ऐ।

<><><><><><>

Dar-Baltal

जारी श्री अमरनाथ जी दी जातरा दे मद्देनज़र कैबिनेट मंत्री जावेद अहमद डार होरें कल बालटाल आधार शिविर दा दौरा लाइयै उत्थे ग्रामीण स्वच्छता निदेशालय आसेआ लोआई गेदी 'वेस्ट टू वेल्थ नमैश' दा उद्घाटन कीता। इस नमैश दे दरान ठोस कूड़े कचरे दे प्रबंधन ते बेकार चीजें कन्नै बनाए गेदे पर्यावरण दे अनुकूल उत्पादें दा प्रदर्शन कीता गेआ। मंत्री होरें इस मौके पर ठोस कूड़े कचरे दे प्रबंधन सरबन्धी योजना दी व्यापक समीक्षा कीती। एहदे अलावा उ'नें स्वच्छ यात्रा सुरक्षित यात्रा रैली गी झंडी दस्सियै रवाना करोआया जेहदे च साफ-सफाई सरबन्धी कम्मगारें ते स्वयंसेविएं बी हिस्स लैता। साफ-सफाई सरबन्धी अमले ते लंगर आहलें दे जतनें दी सराहना करदे होई मंत्री होरें आखेआ जे साफ-सफाई बी इक चाल्ली दी

सेवा ते वचनबद्धता ऐ जेहड़ी असेंगी पर्यावरण दे संतुलन गी बनाई रखने दा संदेश दिंदी ऐ।

<><><><><><>

CS-Cyber Security

मुख्य सचिव अटल डुल्लू होरें जम्मू-कश्मीर च महत्वपूर्ण ठांचे ते सरकार दिएं वेबसाइटें दी साइबर सुरक्षा दा जायजा लैने लेई कल इक चेची बैठक दी अध्यक्षता कीती। इस दौरान मुख्य सचिव होरें सम्भनें वेबसाइटें दा तैह समें दे अंदर-अंदर साइबर सुरक्षा ऑडिट कराने पर जोर दिंदे होई निर्देश जारी कीता जे एह कम्म द'ऊं म्हीने दे अंदर-अंदर पूरा होई जाना लोड़चदा। एहदे अलावा उनें आम लोकें गी कुसै चाल्ली दी दिक्कत-परेशानी ते असुविधा पेश नेई आवै, एहदे लेई सम्भनें वेबसाइटें जिंदा आम जनता कन्ने मता सरोकार रौहंदा ऐ, दे बेहतर रख-रखाव पर जोर दिता। बैठक दौरान अटल डुल्लू होरें निर्देश दिता जे ओह वेबसाइटें जिंदा इस्तेमाल नेई होआ'रदा ते ओह बंद पेदियां न, उनेंगी हटाई दिता जा तां जे साइबर अपराधें दे खामखा बनी सकने आहले खतरें दी शेंका गी दूर कीता जाई सकै। उनें आहवान कीता जे सरकारी चिट्ठी पतरी दी सारी प्रक्रिया गी आधिकारिक ई-मेल राएं गै कीता जा ते आधिकारिक कम्में लेई इस्तेमाल कीते जाने आहले कम्प्यूटरें ते होरनें उपकरणें च सुरक्षा साफ्टवेयर लाजमी तौरा पर लाए जान तां जे सरकारी डेटा ते उपकरणें पर सुरक्षा खतरें गी घट्ट कीता जाई सकै।

<><><><><><>

Bhal Padri Festival doda

जिला प्रशासन डोडा नै, मती उंचाई पर स्थित भाल पदरी आहले सैल्ले मैदानगी जम्मू-कश्मीर दा अगला बड़डा सैलसफा आकर्षण बनाने लेई कमर कस्सी लैतीऐ। सैलसफा मैहकमे आसेआ जिला इंतजामिया दे सैहयोग कन्ने भाल पदरी च औंदी 20जुलाई गी भाल पदरी उत्सव दा आयोजन कीता जा'रदा ऐ। इस दरान उत्थे मस्ती भरोचीद्रौड़, पर्यावरण दे अनुकूल सैर, डिक्को लोक नाच, गोजरी लोक गीत, रस्सा-कशीदे मुकाबले ते मुकामी खान-पान दे स्टॉल, आकर्षण दा मुख्य केन्द्र होडन। फुल्लें दी घाटी खोआने आहली एह थाह अपनी अनोखी खूबसूरती लेई

जानीजंदी ऐ। सैलसफा मैहकमे नै सैलानिएं ते मुकामी लोकें गी इस उत्सव च शामिल होनेदा साददा दिता ऐ।

<><><><><><>

CEO-Kishtwar

किश्तवाड़ दे मुख शिक्षा अधिकारी संजय डोगरा होरें विद्यार्थिएं, अध्यापकें ते अभिभावकें गी आखेआ ऐ जे ओह उत्कृष्टता दा स्तर हासल करने लेई किट्ठे रलियै जतन करन। इस सरबंथे च साढ़े जिला संवाददाता कैलाश नाथ कन्नै गल्ल करदे होई मुख शिक्षा अधिकारी होरें सिक्खने ते नमिएं काहडें दी संस्कृति गी विस्तार देने च समुदायें दी भागीदारी पर जोर पाया। उ'नें सब्भनें सरबंथत धड़ें गी आखेआ जे ओह शैक्षणिक कामयाबी ते समग्र विकास लेई लगातार जतन करदे रौहन।

<><><><><><>

Drugs-Abuse

नौजोआनें च नशीली दोआइयें दी लत कन्नै निब्बड़ने आस्ते इक मजबूत गेंs पुट्टदे होई पुंछ जिले दे मंडी च जागतें दे हायर सैकेंडरी स्कूल च इक जागरूकता कार्यक्रम दा आयोजन कीता गेआ। इस कार्यक्रम दा सरिस्ता स्कूल दे प्रिंसीपल अनवर खान हुंदे मार्गदर्शन च पुंछ पुलस दे सहयोग कन्नै कीता गेआ। प्रमुख वक्ताएं च जिला इंसपेक्टर जलालदीन फानी ते नशीली दोआइयें दे दुरूपयोग दे कनूनी, समाजिक ते सेहत पर पौहने आहले प्रभावे दे बारे च गल्ल कीती गई ते विद्यार्थियें गी जागरूकता दे राजदूत बनने आस्ते प्रोत्साहित कीता गेआ। प्रिंसीपल खान होरें रोकथाम च माता-पिता ते शिक्षकें दी महत्वपूर्ण भूमिका पर जोर दिता ते नशीली दोआइयें दे बपारियें दे खलाफ सौहगा रौहने आस्तै आखेआ।

<><><><><><>